



Broj:05-2436-5/18  
Sarajevo, 09. 07. 2018. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), na preporuku Komisije za nabavke iz Zapisnika o pregledu i ocjeni ponuda, broj: 05-2436-4/18 od 05. 07. 2018. godine i člana 16. Statuta Agencije za bankarstvo Federacije BiH („Službene novine Federacije BiH“, broj 3/18), u postupku javne nabavke uredskog materijala, direktor Agencije za bankarstvo Federacija BiH donio je

## **ODLUKU**

### **o izboru najpovoljnijeg ponuđača u postupku nabavke robe**

#### **Član 1.**

Prihvata se preporuka Komisije za nabavke iz Zapisnika o pregledu i ocjeni ponuda, broj 05-2436-4/18 od 03. 07. 2018. godine i okvirni sporazum za javnu nabavku uredskog materijala za potrebe Agencije za bankarstvo Federacije BiH (u nastavku: Agencije) dodjeljuje društvu Exclusive d.o.o. Zenica, kao najpovoljnijem ponuđaču u predmetnom postupku nabavke.

#### **Član 2.**

Ukupna ponuđena cijena predmetne robe iz člana 1. ove odluke, iznosi 33.356,00 KM, bez poreza na dodanu vrijednost (PDV), što u konačnici, s uračunatim PDV-om, iznosi 39.026,52 KM.

#### **Član 3.**

Po okončanju roka za žalbu, ugovorni organ će s izabranim ponuđačem zaključiti okvirni sporazum, na period od jedne godine, kojim će regulisati međusobna prava i obaveze.

#### **Član 4.**

U skladu sa odredbama člana 70. stav (6) Zakona, Agencija će objaviti ovu odluku na svojoj internetskoj stranici [www.fba.ba](http://www.fba.ba), istovremeno s upućivanjem iste ponuđaču koji je sudjelovao u ovom postupku.

#### **Član 5.**

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona.

## **OBRAZLOŽENJE**

Odlukom o pokretanju postupka javne nabavke uredskog materijala, broj: 05-2436/18 od 14. 06. 2018. godine, odobreno je provođenje postupka nabavke predmetne robe za potrebe Agencije. Javna nabavka je provedena putem postupka konkurentskog zahtjeva za dostavu ponuda, a kao kriterij za dodjelu ugovora odabrana je najniža cijena tehnički prihvatljive ponude.



U skladu s članom 35. Zakona, Obavještenje o nabavci broj: 3010-7-1-203-3-35/18 objavljeno je na Portalu javnih nabavki, dana 20. 06. 2018. godine.

Procijenjena vrijednost nabavke utvrđena je u iznosu od 35.000,00 KM – bez poreza na dodanu vrijednos (PDV).

U skladu s odlukom ugovornog organa imenovana je Komisija za nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, Komisija za nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je po predmetnom postupku evidentirana 1(jedna) pravovremeno pristigla ponuda.

Na osnovu izvršene analize i ocjene pristigle ponude u pogledu kvalifikacijskih i cjenovnih uvjeta nadmetanja, komisija je utvrdila da je ponuda ponuđača Exclusive d.o.o. Zenica kvalificirana i prihvatljiva, te da su dostavljeni svi dokazi propisani tenderskom dokumentacijom.

U postupku donošenja ove odluke posebno su cijenjene činjenice da je Komisija za nabavke, pravilno i potpuno, izvršila ocjenu kvalificiranosti ponuđača te pregled i ocjenu ponuda, u skladu s kriterijima iz tenderske dokumentacije.

U postupku ocjene provedenog postupka, ocijenjeno je da je Komisija za nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uvjeta nadmetanja, pa je Komisija za nabavke dala preporuke da se sa istim, saglasno članu 69. stav (1) tačka a) Zakona, zaključi okvirni sporazum, na period od jedne godine, u predmetnom postupku javne nabavke ove robe.

Uvažavajući sve navedeno, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama, člana 8. stav 2. tačka d) Pravilnika o uspostavljanju i radu Komisije za nabavke i člana 16. Statuta Agencije, odlučeno je kao u tački I. ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- učesniku u postupku „Exclusive“ d.o.o. Zenica
- a.a.

